



Klein Lochieland

Nuusbrief Graad R en RR

Lourensrivierweg / Posbus 124
STRAND

Tel: 021-8548592

E-pos:

adminkleinlochieland@lochnerhof.co.za

16 Januarie 2026

Beste Ouers

Baie welkom aan al ons ouers en kleuters. Ons vertrou dat u kleuter alreeds tuis voel en baie gelukkig by Klein Lochieland sal wees. Bestudeer asb. dié lywige brief volledig, aangesien ons baie inligting rakende skoolaktiwiteite gaan deurgee.

D6-KOMMUNIKEERDER

Soos meeste van die ouers weet, maak Laerskool Lochnerhof van die D6-kommunikeerder gebruik. Klein Lochieland maak ook daarvan gebruik om alle kommunikasie, nuusbriewe en belangrike inligting daarop te laai. Ouers van Klein Lochieland word op die oomblik op die D6 gelaai en u sal 'n sms ontvang waarop u moet registreer. Ons stuur hierdie week die nuusbrief ook nog per e-pos.

PERSONALIA

Baie welkom terug aan al ons personeellede en 'n spesiale verwelkoming aan ons twee nuwe onderwyseresse. Ons hoop julle sal gou deel voel van die Klein Lochie-familie!

- **Juffrou Annemarie Nel** van die Bytjieklass
- **Juffrou Andrea Ballabio** van die Miertjieklass

Ons het die volgende verjaarsdae hierdie maand:

- **Lize-Mari Nortier**, ontvangsdame het 11 Januarie verjaar
- **Juffrou Jané**, onderwyseres van die Naaldekokerklass het 14 Januarie verjaar
- **Juffrou Edwina**, assistent van die Hasieklass verjaar 25 Januarie
- **Juffrou Chandré**, assistent van die Miertjieklass verjaar 27 Januarie

SKOOLTYE

Vanaf Maandag ontvang die personeel die kleuters by die Klein Lochieland hek. Hulle sal self die kleuters na hul klasse neem. Om selfstandigheid te bevorder verkies ons dat ouers nie meer saam na die klasse gaan nie. Berei hulle asb. hierdie naweek daarop voor.

Skooltye:

Graad R: 07:45 tot 12:30

Graad RR: 08:00 tot 12:15

BUITEMUURSE AKTIWITEITE VIR KLEIN LOCHIELAND-LEERDERS

Ons buitemuurse aktiwiteite gaan soos volg aangebied word:

Maandae: **"Skool" netbal vir dogters (SLEGS GRAAD R)** Slegs kwartaal 2 en 3
"Skool" rugby vir seuns (SLEGS GRAAD R) Slegs kwartaal 2 en 3
STEM-Nerds (*inskrywingsvorme volg*)

Dinsdae: **"Skool" tennis vir seuns (SLEGS GRAAD R)** Slegs kwartaal 1 en 4
"Skool" hokkie vir dogters (SLEGS GRAAD R) Slegs kwartaal 2 en 3
Ballet vir dogters (*inskrywingsvorme volg*)
Wicket Cricket vir seuns (*inskrywingsvorme volg*)

Woensdae: **“Skool” tennis vir dogters (SLEGS GRAAD R)** Slegs kwartaal 1 en 4
“Skool” hokkie vir seuns (SLEGS GRAAD R) Slegs kwartaal 2 en 3
Rugba Roots (*inskrywingsvorme volg*)
Gymfants (*inskrywingsvorme volg*)

Donderdae: **“Skool” atletiek vir seuns en dogters (SLEGS GRAAD R)** Slegs kwartaal 1 en 4
Karate (*inskrywingsvorme volg*)
Netbal IS (*inskrywingsvorme volg*)

Vrydae: **“Skool” krieket vir seuns en dogters (SLEGS GRAAD R)** Slegs kwartaal 1 en 4
Lochiekids rugby (*inskrywingsvorme volg*)
Playful Plates (*inskrywingsvorme volg*)

Let Wel: **Buitemuurse aktiwiteite is NIE verpligtend NIE.** Die kleuters gaan vanaf eerskomende Maandag 'n demonstrasieles in die buitemuurse aktiwiteite ontvang waarvoor ouers moet inskryf. Vir die **skoolspore** (Graad R) hoef daar nie ingeskryf te word nie- ouers moet net die onderwyseres in kennis stel. Dit is slegs 'n halfuur blootstelling (tot 13:10) aan al die spore wat Laerskool Lochnerhof aanbied en word deur die Klein Lochieland en Laerskool personeel aangebied.

U sal by die Oueraand al die inligting en pamflette ontvang.



KINDERKINETIKA

Ons is baie trots om te kan noem dat ons die enigste Pre-primêre skool in die Helderbergkom is, wat dié aktiwiteit by ons skoolgeld insluit. Al ons kleuters ontvang weekliks een half-uur les by 'n opgeleide Kinderkinetikus. Die program fokus op die ontwikkeling van kleuters se grootmotoriese vaardighede deur beweging. Dit is baie belangrik vir die kind se algehele ontwikkeling en skoolgereedheid. Graad RR ontvang dit op Maandae en Graad R op Woensdae. Kinderkinetika lesse begin Maandag 26 Januarie.

STEMKLAS / ROBOTIKA en KODERING

Stem-klassies gaan elke tweede week deur Juffrou Maritha vir elke RR-kleuter aangebied word. STEM is die voorbereiding van Robotika en Kodering wat een van die nuwe vakke is wat aangebied word by skole. Hulle gaan op 'n baie eenvoudige manier begin en alles in die vorm van speletjies.

Die Graad R-kleuters gaan weekliks Robotika en Kodering vir een uur per klas ontvang.

Hiërdie klasse sal ook op Maandag 26 Januarie begin.



SKRYFBEHOEFTE

Ons herinner net weer dat ouers GEEN skryfbehoeftes hoef te koop nie. Dit is ingesluit by die skoolgeld wat ouers betaal. Daar word slegs **R250 in 'n koevert, of EFT in die skoolrekening, of met die kaartmasjien by die sekretaresse** betaal gedurende die eerste week van skool. Kleuters ontvang dan 'n voorskoot, skoolhempie en waslap.

Skoolhempe sal Vrydae en tydens in- en uitstappies gedra word.

Kleuters ontvang Woensdag, 21 Januarie hul skoolhempe indien die R250 reeds betaal is. Hulle kan dan die hempe na die **Kenmekaarbraai** aantrek. Indien u 'n skoolhempie wil omruil, ontvang ons dit slegs in sy sakkie terug (nie gedra nie). U kan dus Donderdagoggend hempe omruil as u op 'n ander grootte besluit.

SKOOLGELD

Ons wil elke ouer bedank vir getroue betaling van skoolgelde. Ons herinner u daaraan dat skoolgeld betaalbaar is vanaf Januarie tot November en dat alle gelde betaalbaar is voor of op die 7de van die maand. Slegs deur die getroue betaling van skoolfonds kan ons opvoeding van die hoogste moontlike gehalte bied.

Bankbesonderhede waarin skoolgelde betaal word:

Laerskool Lochnerhof

Rek. No: 420 490 003

Takkode: 632005

Verw: Familiekode

Kontak finansies@lochnerhof.co.za vir enige inligting rakende gelde.

KENMEKAARBRAAI EN KLEUTERATLETIEK: VRYDAG, 23 JANUARIE

Al ons ouers word vriendelik uitgenooi na ons bring en braai/piekniek by die pawiljoen-area en Laerskool se B-veld volgende Vrydag, 23 Januarie, om 18:30. Ouers kom egter by die Klein Lochieland terrein in. Die braai skep 'n geleentheid vir al ons ouers om mekaar beter te leer ken. Bring asb. u eie kos, verversings, eetgerei, stoele of komberse saam. Die Laerskool se snoepie sal oop wees. Braaidromme sal voorsien word. Bring asb. u eie rooster ook saam. U kan ook 'n piekniek kom hou indien u dit sou verkies. Vure word om 21:30 geblus en almal verdaag teen 22:00. Ons gaan van die badkamers by die pawiljoen gebruik maak (nie by Klein Lochieland nie).

Ons vra dat elke graad R-kleuter voor-af slegs 5 stukkies braaihout in 'n plastiese sak skool toe bring, asb.

Die kleuters se atletiek-wedloop vind ook dié aand plaas. Dit begin **stiptelik om 19:00** op die Laerskool se sportgronde. Die program vir die atletiek is soos volg:

1. Bytjieklass
2. Skoenlapperklas
3. Besieklass
4. Miertjieklass
5. Naaldekokerklas
6. Eendjieklass
7. Beertjieklass
8. Vissieklass
9. Hasieklass
10. Ouers: Vrouens
11. Ouers: Mans

Ons wil 'n vriendelike beroep op ouers doen om ASB op die pawiljoen te sit sodat al die ouers hul kleuters kan sien hardloop. Ons sal baniere ophou om te wys watter klas hardloop.

Indien dit sou reën (en die terrein baie nat is) of 'n stormsterkte wind waai, word die braai afgestel. Die personeel sal dit ongeveer 13:00 met die ouers kommunikeer per WA-groepe. *(Maak asb. seker dat u die klasonderwyseres se nommer op u foon stoor om op die WA groepie gelaai te word)*

Die rede waarom ons éérs braai en dan die oueraand het, is om vir ouers die geleentheid te gee om mekaar te leer ken en dan by die oueraand die komitee te kies. Die komitee speel 'n belangrike rol in die besluite wat aangaande Klein Lochieland geneem word.

NOMINASIE VIR DIE OUERKOMITEE

Ons gaan vir u so spoedig moontlik 'n skakel op die ouergroepies stuur om die nominasies te doen.

OUERAANDE

Graad RR oueraand in u kleuter se klas: Dinsdag **27 Januarie** om 18:30

Graad R oueraand in u kleuter se klas: Woensdag **28 Januarie** om 18:30

Dit is slegs vir ouers, asb. Op dié betrokke aand ontvang u meer inligting oor die komende jaar. Die ouerkomitee word ook dan verkies. Omdat belangrike inligting die aand aan u deurgegee word, **moet minstens één van die ouers asb. die aand bywoon**. Slegs in die geval van ouers wat geskei is, mag albei ouers dit bywoon. Dit is in belang van u kleuter. Bring asb. u selfoon saam (vir die verkiesing) en kontak asb. u onderwyseres indien u dit nie kan bywoon nie.

WAT IS DIE VERSKIL TUSSEN NASORG EN WAGKLASSIE?

Wagklassie is vir kinders wie se ouers nog Laerskool leerders het, wat later afgehaal word. Die wagklassie tye is dus **SLEGS van 12:15 (RR) en 12:30 (R) tot 14:00** en **STRENG** vooruitbetaalbaar. Gelde word in **KONTANT** by Lize-Mari inbetaal. Geen direkte inbetalings aan die Laerskool sal aanvaar word nie. Die assistente van Klein Lochieland maak beurte om toesig te hou oor die leerders en hierdie geld word aangewend tot hul vervoer. Kontak Lize-Mari by adminkleinlochieland@lochnerhof.co.za

Kostes:

R200-00 per maand (Januarie en Desember R100)

R600-00 per kwartaal

Die Nasorg word apart van die skool bestuur. Vir aansoeke kontak mhuman@lochnerhof.co.za hoewel ons reeds van graad RR tot graad 2 vol is vir 2026. Dit maak 17:30 toe en die ouers betaal maandeliks in 'n aparte rekening. Teen hierdie tyd het die ouers ook reeds hul Ooreenkomste vir 2026 voltooi. Kontak Annemarie Nel i.v.m. betalings by annemarie.annemarie.nel@gmail.com Bewys van betalings word ook aan haar gestuur, asb.

KLEIN LOCHIELAND se PADPATROLLIE

Klein Lochieland het ons eie ouer/personeel-padpatroolie. Ouers en personeel maak beurte om die vloei van die verkeer en die beveiliging van ons kleuters se aflowe te monitor. Indien u belangstel om te help, stuur 'n e-pos na mhuman@lochnerhof.co.za Hoe méér ouers help, hoe minder beurte gaan u hê. Dit maak 'n groot verskil in die vloei van die verkeer, dus moedig ons u aan om te help asb! Ons wil graag so gou as moontlik ons ouers betrek. Ons het reeds agt ouers wat bereid is om te help!

Verlede jaar was 'n uitstekende jaar, want ons het so baie ouers gehad dat hulle net een maal per maand 'n beurt gehad het.

Vriendelike versoeke

- Ouers moet asb. nie voor die twee onderwysershekke parkeer as kleuters op- en afgelaai word nie. Ons besef die parkering gaan 'n beproewing wees, maar die onderwysers-opritte moet asb. te alle tye vir noodgevalle oopgelos word.
- Kleuters wat huis toe gaan, moet asb. **stiptelik** afgehaal word. Slegs Nasorg- en wagklaskinders mag ná 12:40 op die terrein wees. Graad RR kleuters gaan om 12:15 en Graad R kleuters om 12:30 huis toe om opeenhoping by die hek te voorkom.

GRAAD R-INLIGTING:

LOCHNERHOF INTERHUIS ATLETIEK: VRYDAG 24 JANUARIE

Ons graad R-kleuters gaan weer hierdie jaar aan die Interhuis Atletiek deelneem. Hulle is reeds in die verskillende huise ingedeel. Dit dogters sal ongeveer 11:00 hardloop en die seuns om 11:10. Hulle hardloop slegs die 60m. Alle reëlins sal nog aan die ouers deurgegee word.

AFSKRIF VAN GEBOORTESERTIFIKAAT en KLINIEKKAART

Alle graad R-ouers moet 'n afskrif van u kleuter se geboortesertifikaat en kliniekkartaat skool toe stuur vir ons rekords, asb. Dit moet asb. so spoedig moontlik ingehandig word of per e-pos

gestuur word na adminkleinlochieland@lochnerhof.co.za Ons besef dis in die aansoekvorm, maar hierdie is vir die rekords van die personeel.

Ons tema vir volgende week is: **MY NUWE SKOOL**

Maandag	19 Januarie:	- Elke graad R-kleuter bring 5 stukkies braaihout, asb. - ONTHOU ASB OOK DIE AFSKRIFTE VAN DIE KLINIEKKAART EN DIE GEBOORTESERTIFIKAAT Ons oefen atletiek
Dinsdag	20 Januarie:	Ons bou 'n 36-stuk legkaart
Woensdag	21 Januarie:	Ek versier my naam
Donderdag	22 Januarie:	Ons vorm ons name met klei
Vrydag	23 Januarie:	Laerskool Lochnerhof Interhuis-atletiekdag: Graad R- kleuters hardloop slegs die 60m om ongeveer 11:00 Kenmekaarbraai en atletiek om 18:00
Sondag	25 Januarie:	Juffrou Edwina, assistent van die Hasieklas verjaar. Baie geluk!

GRAAD RR-INLIGTING:

Ons tema vir volgende week is: **ORIËNTERING**

Maandag	19 Januarie:	Ons verf 'n prentjie van ons klassimbole
Dinsdag	20 Januarie:	Ons kleur 'n blom in
Woensdag	21 Januarie:	Ons verf 'n vis
Donderdag	22 Januarie:	Ons leer skeur en plak
Vrydag	23 Januarie:	Kenmekaarbraai en atletiek om 18:30

Baie dankie aan al die ouers vir julle positiewe gesindheid en samewerking hierdie week. Ons sien daarna uit om hierdie jaar met u kleuters te werk. Indien u enige navrae het, kan u ons gerus by die skool skakel of 'n boodskap laat. Ons telefoonnommer is 021-854 8592. Die sekretaresse, **Lize-Mari Nortier**, sal u boodskappe ontvang. Personeel moet nie gedurende skoolure gepla word nie, asb.

Daar kan ook 'n e-pos aan Lize-Mari by adminkleinlochieland@lochnerhof.co.za gestuur word.

Vriendelike groete

Hoof van Klein Lochieland:

Maritha Human

Graad R-personeel:

Anja Goddard	(R1- Eendjieklas)
Janita Hanekom	(R2- Beertjieklas)
Chantelle Roelofse	(R3- Vissieklas)
Cara Ras	(R4- Hasieklas)

Graad RR-personeel:

Annemarie Nel	(RR1- Bytjieklas)
Paula Truter	(RR2- Skoenlapperklas)
Michelle Kruger	(RR3- Besieklas)
Andrea Ballabio	(RR4- Miertjieklas)
Jané Baard	(RR5- Naaldekokerklas)